

Q. F. S.

Super

QVÆSTIONE MAGICA,

*qua est de*

VOCIBUS ANIMALIUM.

DISSERTATIO MAGISTERIALIS

*Quam*

Fretus Auxilio Numinis

*Permittente Ampliss. Facult. Philosophica*

PRÆSIDE

*Viro Amplissimo,*

M. CHRISTIERNO ALANDRO,

Eloqv. Prof. Ord. & Regio, Promotore  
suo magno,

Habebit ad diem 23 Novembris

*M. DC. XCIV.*

ERICUS S A N T / O-Bothn.

In Auditorio Maximo.

ABOÆ,

---

Impr. apud Jo. LAURENTII WALLIUM.

QUESTIONS MAGICA

part 1 of 2

VOGIBUS ANIMALIUM

DISSERTATIO MAGISTERIALIS

Præsentata a M. Magistro

RESIDIO

M. CHRISTIANO ALVARO

Magistro in Arte & Lingua Latina

Habebit ad usum suum

FRIGUS SEPTIMO

in Academia Magica

Impressit Jo. Laurin Williamson



I. N. J.

THESIS I.



**D**e natura & operationibus animalium diversa apud Auctores reperiuntur judicia ita ut certi aliquid circa easdem statuere res sit difficillima. Non desunt, qui rationem quoque brutis assignare, cujus ope actiones suas forment, haud dubitarunt, in quorum numero merito ponendus est Plutarchus in dissertatione illa longa de solertia animalium, ubi non saltem rationem verum & virtutes & vitia eisdem competere magno nisu adstruit. Cæterum licet admiranda satis polleant naturæ efficacia, & in quibusdam humanam ferè exsuperare videantur sagacitatem neutiquam tamen eò possumus adduci ut eandem ex principio aliquo rationali profluere existimemus, sic enim liber-

tate

tate etiam in agendo gauderent, quod veritati  
apertissimè Contrarium. Quicquid proinde ope-  
rationum per naturam in animalibus cernitur per  
organa ritè disposita & spiritus vitales produci multo-  
rum est iudicium, nec videtur a veri specie adeo  
alienum, siquidem perdita & amissa interna illa  
machinæ Corporeæ structura in qua Spiritus illi  
suas exercebunt operationes, ruinam & mortem  
ipsam sequi necesse est. Quia ablata causa tolli-  
tur effectum.

### THESIS II.

**H**is loco proœmii præmissis ad institutum  
proprius accedimus, imprimis considerantes  
num brutis animantibus, quoque facultas loquen-  
di, & vox articulata a natura infit; testantur  
enim Historiæ eadem sæpius locuta fuisse, non  
secus ac homines, quorum tamen illud est pro-  
prium. Sic apud Sophocl. duæ Columbæ locutæ  
feruntur. Idem de bove ait Livius Lib: 35. ac si  
dixerit *Roma cave tibi*. Canem locutum esse cum  
pulsus esset regno Tarquinius, Testis est Plinius  
Idem de cane Simonis Magi Petrum ac alios  
alloquente refert Clemens. In Domitiano Sveto-  
nius scribit ita: ante paucos quam occideretur

men-

mensēs, Cornix in Capitolio elocuta est: ἴσα  
πάντα καλῶς erunt omnia benè nec defuit qui ostentum sic interpretaretur.

*Nuper Tarpejo quæ sedit Culmine Cornix,  
Est bene non potuit dicere, dixit erit.*

### THESIS III.

**H**æc & plura ejusmodi revera contigisse nolumus cum quibusdam dubitare, sic enim caderet & in fumum abiret omnis probatio, quæ ex probatis historiis desumitur; alia igitur procedamus via & quantum nobis hæc in re cognoscere datum sit proponemus; Videl. loquelam proprie dictam, quæ nihil aliud est quam certa vocis sive sonorum articulorum formatio animi cogitata significans, non competere brutis; non enim habent organa & instrumenta ad talem sonum formandum accommodata. Deinde carent animi cognitione, quæ tamen necessario requiritur ad loquelam, siquidem ad omnem sermocinationem debent præexistere notitiæ rerum & ideæ in mente; Absurdum enim est verbis aliquid velle exprimere, cujus perceptio non detur. Proferunt quidem exemplum Psittaci: sed quamvis per consuetudinem literas  
quas-

quasdam formare addiscat, attamen quæ inter homines occurrunt & ad Conversationem hominum quos quotidie audit pertinent, non potest proferre, alias etiam machina ita potest formari, ut voces quasdam efferat qualem refertur Albert. Magnus fabricasse sicut & Psittacus. Ad exempla superius allata quod attinet iudicio summorum virorum fraudes & fascinoes dæmonum fuisse existimamus qui ut animos hominum demerent, eosque ad cultum sui pertraherent, hæc talia ludibria objecere. Proinde quando vox formata est in ejusmodi animalibus, vel potius juxta ea, tum locutio nostro modo tribuenda est alii quam Diabolo, ut formanti & edenti, aëri ut medio & instrumento, nulli ut actio vitalis. Idem sentiendum de rebus insensibilibus quas aliquando locutus historiæ memorant, nisi quædam etiam inter fabulas referre velis, forte etiam imposturæ hominum aliquid erit attribuendum.

#### THESIS IV.

**H**ac occasione paucis etiam de Asina Balaami, Dominum suum alloquente agemus, qua scilicet virtute id factum sit, quod verba humana pro-

protulerit cum id a natura Asini plane sit  
 alienum, est enim ἰσοζύγιον ἄφωνον jumentum  
 mutum 2. Pet. 2. neque solum rationis  
 expers, sed & iis organis destitutum, per quæ  
 sermo formatur, unde Lucius sub Asina la-  
 tens φωνὴν δὲ ἀνθρώπου ἐς τὸ μέμψασθαι τὴνπα-  
 λάισθαι ἐκ ἑτι εἶκον. Vocem humanam ut de Pa-  
 læstra qvererer non habebam amplius. Nec  
 est ut cum Maimonide omnia quæ Balaamo  
 contingere in visione facta dicamus. Nam li-  
 tera Historiæ evidentior est in hoc loco quam  
 ut liceat meram hic visionem fingere. Mi-  
 raculosam proinde fuisse hanc Asini locutio-  
 nem & virtute divina productam tutissimum  
 est statuere. siquidem aperte dicitur in textu  
 quod Dominus os Asini aperuerit, h. e. quod  
 in natura deerat & in naturalibus vocis or-  
 ganis, virtutē sua suppleverit. Non quod vo-  
 cem more asinæ formaverit, Verba sunt Clar.  
 Bochart. absque ipsius organis aliòquin non  
 magis diceretur Asina loqvuta quam domus in  
 qua loqveretur Angelus. Omnino igitur ex  
 Asinæ lingua processit sermo : sed eam movente  
 DEO per angelum & modo ad palatum modo ad

Labia, modo ad dentes allidente, & inflectente, prout erat neceſſe & aerem ad ſonos formandos requiſitum intra fauces comprimente, ne per bellvinos rictus intempetiue efflueret. Ita ut Angelus idipſum in hoc jumento præſtiterit, quod in ſerpente Dæmon, cum Evam allocutus eſt. non tamen fuit hic verus Aſini ſermo. Sermo enim eſt imago mentis. Et τὸν λόγον προφορικὸν præcedit ὁ ἐνδιάθετος. At in Aſina nihil fuit tale. non capiebat animo voces quas ore ſuo proferrebat. Tantum per agens extrinſecum, mota Lingua, illas formabat, ut nervis alienis mobile Lignum, quod νευρόσπισον Græci appellant.

### THEſIS V.

Solet etiam inter Doctos diſquiri an animalia ejusdem ſpeciei ſe invicem intelligant & facultate Communicandi aliis quæ velint, polleant. Affirmativa eſt non tantum Ægyptiorum opinio ſed & plurimorum in Græcia Cele-



Celebris famæ scriptorum, & pro illa videtur  
etiam ipsa experientia militare. Nam si Pla-  
toni fides habenda: Elephas si in profundum  
Cœnum ceciderit ex quo se neque solus, ne-  
que unius ope liberare queat, inclamat so-  
cium qui quod evenit præsens Conspicatus  
abit. moxque reversus secum gregem Elephan-  
tum adducit, Collapsumque servat. Aiunt &  
in Libya scorpionum, si ei non succedat, ut in-  
terficiat hominem abire, & cum pluribus re-  
verti, Connexosque invicem alterum alteri  
catenæ instar insidias moliri; Non quod ta-  
cito quodam nutu utantur ista bruta, sed pro-  
pria sua dialecto. Potius tamen crediderim  
mutuam illam brutorum intelligentiam, si  
quæ datur ex affectibus saltem Corporis &  
motionibus appetitus belluini fluere, nec tan-  
tam a natura vim ipsis tributam esse, ut voce  
etiam sua inter se significare & Conferre pos-  
sint. Quam tamen sententiam mihi defen-  
dendam ob graves Causas haud suscipio, men-  
tem

tem meam Saltim exposui. Plura & sane  
majoris forte momenti de nobili hoc argu-  
mento in medium proferri possent; Verum  
Cum omni tempore sim præclusus hic filum  
abrumpere & pedem figere cogor. Tu Bene-  
vole Lector judica ea, quæ bonum decent  
virum. Momi enim protervia me  
nunquam movebit.

**DEO SIT LAUS ET GLORIA!**

